

1. **VETERINARSKI FAKULTET U SARAJEVU**, sa sjedištem u Sarajevu u ulici Zmaja od Bosne 90, JIB: 4200228330004 kojeg zastupa dekan prof.dr. Nihad Fejzić (u daljem tekstu: Fakultet) i
2. **SEOSKO DOMAĆINSTVO „DJECA VJETRA“** sa sjedištem u Sarajevu u ulici Donje Biosko 9, koju zastupa direktorica Sanja Tufo (u daljem tekstu: Domaćinstvo)

zaključili su dana 17.01.2019. godine sljedeći:

UGOVOR **o nastavnoj, naučnoj i stručno-tehnološkoj saradnji**

I PREDMET I CILJEVI UGOVORA

Član 1.

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- izvođenje praktične nastave na ergeli;
- ispitivanje i utvrđivanje zdravstvenog statusa grla sa ergele;
- dijagnostički, preventivni i kurativni tretmani.

II OBAVEZE UGOVORNIH STRANA

Član 2.

U cilju realizacije ovog ugovora Domaćinstvo se obavezuje da će:

- obezbjediti nesmetan pristup akademskom osoblju i studentima Fakulteta u krug ergele kako bi obavili praktičnu nastavu, kao i sve druge radnje koje će omogućiti provođenje edukacije studenata po nastavnom planu i programu uz prethodni dogovor sa veterinarskom službom na ergeli;
- obezbjediti parking prostor u krugu ergele za službena vozila Fakulteta kojim će se studenti dovoziti i odvoziti na nastavu;
- obezbjediti adekvatan prostor pratećim sadržajima (sanitarni čvor i prostor za garderobu);
- jednom godišnje u pismenoj formi dostavljati Fakultetu/šefu klinika/ izvještaj o zdravstvenom statusu životinja sa kojima studenti dolaze u kontakt;
- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;
- omogućiti učešće akademskog osoblja i studenata u uzimanju uzoraka krvi od grla sa farme radi vršenja analize istih u skladu i na način kako je to propisano pozitivnim zakonskim propisima.

Član 3.

U cilju realizacije ovog ugovora Fakultet se obavezuje da će za Domaćinstvo obavljati:

- dijagnostičke, preventivne i kurativne tretmane u skladu sa planom i programom izvođenja nastavnog procesa i u dogovoru sa šefom Klinika Veterinarskog fakulteta u Sarajevu;

Član 4.

Ugovorne strane se sporazmijevaju da će se obaveze iz čl. 2. i 3. ovog ugovora vršiti bez naknade.

Član 5.

Ovaj ugovor se zaključuje na vremenski period od 4 (četiri) godine računajući od dana potpisivanja istog i ne može se prećutno produžiti.

III PRIJELAZNE I ZAVRŠNE ODREDBE

Član 6.

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

Član 7.

Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost Općinskog suda u Sarajevu.

Član 8.

Ugovorne strane su saglasne da ovaj ugovor i obaveze koje iz njega proističu stupaju na snagu danom potpisivanja i ovjere.

Član 9.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po dva (dva) primjerka.

Veterinarski fakultet Sarajevo


Prof. dr. Nihad Fejzić, dekan

Broj: 07-04-28-12/19




Seosko domaćinstvo „Djeca vjetra“

Sanja Tufo, direktorica

Seosko domaćinstvo
„Djeca vjetra“
ul. Tufo Sanja
Sarajevo, Donje Biloško br. 9